



## XALQ DEPUTATLARI BUXORO TUMANI KENGASHINING QARORI

2022 - yil 30 - dekabr

VI-65-164-2-32-K/22

Buxoro tuman hokimligi

### **Buxoro tumanining 2023 yilgi mahalliy budjetini tasdiqlashtog'risida**

O'zbekiston Respublikasi "Mahalliy davlat hokimiyati to'g'risida"gi Qonunining 6, 24-moddalari, Budjet kodeksining 99-moddasi, "2023 yil uchun O'zbekiston Respublikasining Davlat budjeti to'g'risida"gi Qonuniga muvofiq hamda Xalq deputatlari viloyat Kengashining qarorini inobatga olib, xalq deputatlari Buxoro tumani Kengashi

### **QAROR QILDI:**

1. O'zbekiston Respublikasining "2023 yil uchun O'zbekiston Respublikasining Davlat budjeti to'g'risida"gi Qonuni ijro va rahbarlik uchun qabul qilinsin.

2. O'zbekiston Respublikasining "2023 yil uchun O'zbekiston Respublikasining Davlat budjeti to'g'risida" Qonuniga muvofiq, Buxoro tumani mahalliy budjetining 2023 yil uchun daromadlari 90553,9 mln.so'm, xarajatlari 170 686,9 mln.so'm prognoz qilinganligi hamda respublika budjetidan ajratiladigan tartibga soluvchi budjetlararo transfertlar 80132,9 mln.so'm miqdorida tasdiqlanganligi ma'lumot uchun qabul qilinsin.

3. 2023 yil uchun Buxoro tumanini rivojlantirishning asosiy makroiqtisodiy ko'rsatkichlari prognozi hamda 2024-2025 yillarga maqsadlimo'ljallari 1-ildavaga muvofiq, 2023 yil uchun tuman mahalliy budjeti daromadlari prognozi 2-ildavaga muvofiq ma'lumot uchun qabul qilinsin.

4. 2023 yil uchun tumanning tuman budjetidan hududiy budjet mablag'larini taqsimlovchilarga ajratiladigan mablag'larning cheklangan miqdorlari 3-ildavaga muvofiq tasdiqlansin.

5. 2023 yil uchun tuman budjetiga umumdavlat soliqlaridan ajratmalar normativlari 4-ildavaga muvofiq tasdiqlansin.

Bunda, ajratmalar normativlari bo'yicha tuman mahalliy budjeti bilan tuman mahalliy budjetlarining taqsimotini o'rnatilgan tartibda Buxoro tumani bo'yicha g'aznachilik bo'limi tomonidan amalga oshirilishi belgilab qo'yilsin.

6. 2023 yil uchun tuman mahalliy budjetining daromadlari va xarajatlarining prognozi 5-ildavaga muvofiq ma'lumot uchun qabul qilinsin.

7. 2023 yil uchun tuman budjetidan tuman mahalliy budjetiga ajratiladigan tartibga soluvchi budjetlararo transfertlar miqdorlari **6-ilovaga** muvofiq tasdiqlansin.

Bunda, tartibga soluvchi budjetlararo transfert miqdorini tuman mahalliy budjeti daromadi prognozi ijrosidan qat'iy nazar kamaytirishga yo'l qo'yilmasligi Qonunda belgilab qo'yilganligi ma'lumot uchun qabul qilinsin.

8. 2023 yil uchun tuman mahalliy budjetining tumanbudjeti zaxira jamg'armasi hajmlari **1610,3 mln. so'm** miqdorida belgilansin.

Tuman budjetining 2023 yil uchun zaxira jamg'armalari tegishli budjetlar tasdiqlangan umumiy xarajatlarining kamida 1,0 foizi miqdorida shakllantirilsin.

Buxoro tumanibudjetining, tuman budjetini ijro etishda yuqori turuvchi budjetdan ularga ajratiladigan budjetlararo transfertlarning prognozidan oshgan qismi uchun tegishli budjetlarining zaxira jamg'armalar miqdorlariga aniqlashtirish kiritilmasligi inobatga olinsin.

9. 2023 yil uchun tumanining budjeti shaxsiy g'azna hisobvarag'ida turgan budjet mablag'larining yo'l qo'yiladigan eng kam miqdori **7-ilovaga** muvofiq belgilansin.

10. O'zbekiston Respublikasining mazkur Qonuni bilan 2023 yilda xalq deputatlari Kengashlarini mahalliy budjetni boshqarishda, xususan mahalliy budjet xarajatlarini hududiy budjet mablag'lari taqsimlovchilar kesimida tasdiqlash va ularning Kengash oldidagi hisobdorligini belgilash bo'yicha vakolatlari kengaytirilganligi inobatga olinsin.

Shuningdek, 2023 yilda quyidagi soliq turlari:

a) tuman budjetiga to'liq hajmda o'tkaziladi:

jismoniy shaxslardan olinadigan mol-mulk solig'i;

jismoniy shaxslardan olinadigan yer solig'i;

jismoniy shaxslarga tegishli mol-mulkni ijaraga berishdan oladigan yillik daromadi to'g'risidagi deklaratsiyaga asosan to'laydigan, shuningdek yakka tartibdagi tadbirkorlar to'laydigan jismoniy shaxslardan olinadigan daromad solig'i;

aylanmadan olinadigan soliq;

qonunchilikda belgilangan miqdorlarda O'zbekiston Respublikasining Davlat budjetiga undiriladigan boshqa yig'imlar (bojxona organlari tomonidan undiriladigan yig'imlardan, g'ildirakli transport vositalari, o'ziyurar mashinalar va ularning tirkamalari uchun undiriladigan utilizatsiya yig'imidan, shuningdek avtotransport vositalari oynalarining tusini o'zgartirishga (qoraytirishga) ruxsatnoma berish uchun to'lovdan tashqari);

suv resurslaridan foydalanganlik uchun soliq, bundan elektr stansiyalari tomonidan to'lanadigan soliq mustasno;

ayrim turdagi tovarlarning chakana savdosiga doir huquq uchun yig'imlar;

qurilish materiallari bo'yicha yer qa'ridan foydalanganlik uchun soliq;

Mobil aloqa xizmatlari uchun aksiz solig'i va alkogol maxsulotlari, shu jumladan pivo uchun aksiz solig'idan tushumlar 2022 yil 1 iyul holatigako'ra tumanlar va shaharlar aholisining viloyat aholisidagi ulushiga muvofiq hisob-kitob qilinsin.

b) Buxoro tumanining budjet daromadlari tuman mahalliy budjetiga to'liq hajmda o'tkaziladi:

yuridik shaxslarning mol-mulkiga solinadigan soliq;

yuridik shaxslardan olinadigan yer solig'i;

elektr stansiyalari tomonidan to'lanadigan suv resurslaridan foydalanganlik uchun soliq;

benzinni, dizel yoqilg'isini va gazni yakuniy iste'molchilarga realizatsiya qilishdagi aksiz solig'i;

qonunchilikda belgilangan miqdordagi davlat bojlari (patent bojlaridan va litsenziyalar berganlik uchun davlat bojlaridan tashqari);

qonunchilikda belgilangan miqdordagi O'zbekiston Respublikasining Davlat budjetiga undiriladigan jarimalar;

qonunchilikda belgilangan miqdordagi davlat daromadiga o'tkazilgan mol-mulkni realizatsiya qilishdan tushgan tushumlar, mahalliy davlat hokimiyati organlarining ulushi bo'yicha dividendlar (daromadlar) va ajratmalar;

davlat aktivlarini joylashtirishdan, foydalanishga (ijaraga) berishdan va sotishdan qonunchilikda belgilangan normativlar bo'yicha olingan daromadlar;

xususiylashtirishdan tushgan tushumlar va boshqa soliqlar.

v) jismoniy shaxslardan olinadigan daromad solig'iviloyat budjeti hamda tumanlar va shaharlar budjetlari o'rtasida taqsimlanadi.

11. O'zbekiston Respublikasi Prezidentining "Jamoatchilik fikri asosida shakllantiriladigan loyihalarni moliyalashtirish ko'lamini kengaytirish chora-tadbirlari to'g'risida" 2022 yil 25 oktabrdagi PQ-409-son qaroriga asosan 2023 moliya yilidan boshlab:

a) "Obod qishloq" va "Obod mahalla" dasturlari doirasida moliyalashtiriladigan tadbirlar jamoatchilik fikri asosida "Ochiq budjet" axborot portali orqali ovoz berish yo'li bilan aniqlanadi.

Bunda, aholi tomonidan amalga oshirilishi taklif etilayotgan tadbirlar har bir mahalla bo'yicha bitta loyihalar paketi shaklida ovozga qo'yilishi;

b) Qoraqalpog'iston Respublikasi respublika budjeti, viloyatlarning viloyat budjetlari va Toshkent shahrining shahar budjetida shakllangan qo'shimcha mablag'larning 30 foizi tumanda jamoatchilik fikri asosida shakllantirilgan tadbirlarni moliyalashtirish uchun tuman Fuqarolar tashabbusi jamg'armasiga mavjud aholi soni va mahallalar sonidan kelib chiqib, teng ulushlarda yo'naltirilishi;

v) tashabbusli budjetlashtirish jarayonlari uchun tuman budjetining 5 foizi miqdorida, biroq kamida mablag' rejalashtirilishi belgilanganligi;

g) "Obod qishloq" va "Obod mahalla" dasturlarini jamoatchilik fikri asosida tashabbusli budjetlashtirish jarayonlari orqali amalga oshirilishining yangi tartibi ishlab chiqilishi ma'lumot uchun qabul qilinsin.

12. Tumanhokimining moliya – iqtisodiyot va kambag'allikni qisqartirish masalalari bo'yicha birinchi o'rinbosari, iqtisodiy taraqqiyot va kambag'allikni qisqartirish bosh boshqarmasi, tuman hokimligi moliya bo'limi (Sh.Karimov), Davlat soliq inspeksiyasi (S.Axmedov) tuman hokimligi vamas'ul bo'lim va tashkilotlar bilan birgalikda:

tegishli budjetlarni birinchi navbatda ish haqi va unga tenglashtirilgan to'lovlar, oziq-ovqat va dori-darmon va kommunal xizmatlar xarajatlarining rejalashtirilishini nazarda tutgan holda shakllantirish;

mahalliy budjetprognoz ko'rsatkichlarni o'z vaqtida va samarali bajarish;

budjet mablag'laridan maqsadli va samarali foydalanish;

budjet intizomiga rioya etilishi ustidan nazorat va mas'uliyatni yanada kuchaytirish;

tegishli mahalliy budjetlarga soliqlar va boshqa majburiy to'lovlarning to'liq tushumini ta'minlash;

budjet daromadlar bazasini oshirish va qo'shimcha rezervlarni aniqlash zarurligiga alohida e'tibor qaratsin.

13. Tuman davlat soliq inspeksiyasi (S.Axmedov) O'zbekiston Respublikasi Soliq kodeksida belgilangan vakolatlaridan kelib chiqib:

soliqlarning to'liq va to'g'ri hisoblanishini hamda ushbu soliqlarni o'z vaqtida budjetga undirilishi ustidan soliq nazoratini kuchaytirish;

yer solig'i, suv resurslaridan foydalanganlik uchun soliq va mol-mulk soliqlari bo'yicha doimiy tahlillar o'tkazgan holda, soliqlarni to'liq hisoblanishini ta'minlash hamda ushbu soliq to'lovlari bo'yicha soliq qarzdorligiga yo'l qo'ymaslik choralarini ko'rish;

aylanmadan soliq turi bo'yicha soliq to'lovchilar tomonidan naqd pul aylanmalarining soliq hisobotlarida to'liq aks ettirilishi ustidan doimiy soliq nazoratini o'rnatish hamda zarur hollarda xronometraj va kameral soliq nazorati tadbirlarini o'tkazish;

Bunda, mazkur yo'nalishda jamoatchilik nazoratini kuchaytirish maqsadida fuqarolarga xarid chekini talab qilib olishni targ'ib etuvchi ijtimoiy roliklar hamda video materiallar tayyorlab, ijtimoiy tarmoqlar va ommaviy axborot vositalarida keng targ'ibot-tashviqot ishlarini olib borishga alohida e'tibor qaratish;

xatlov ishlarini samarali tashkil etish orqali yer va mol-mulk solig'ining soliq bazasini oshirish;

Kadastr agentligi tumanbo'limi (R.Rustamov) bilan birgalikda tumanda mavjud soliq to'lovchilarning mol-mulklari maydonlarini chuqur tahlil etgan holda ushbu mol-mulklarga nisbatan soliqlarni to'liq hisoblanishini ta'minlasin.

14. Tuman davlat soliq inspeksiyasi (S.Axmedov), Kon-geologiya faoliyatini nazorat qilish mintaqaviy inspeksiyasi hamda tuman hokimligi bilan birgalikda:

noruda qurilish materiallarini qazib olish sohasida noqonuniy faoliyat olib borayotgan karerlarni aniqlash bo'yicha xatlovlar o'tkazish;

xatlov natijalari bo'yicha aniqlangan noqonuniy faoliyat olib borayotgan karerlar faoliyatini qonuniylashtirish hamda ularni soliq bazasiga qamrab olish;

noruda qurilish materiallarini qazib olish sohasida faoliyat olib borayotgan karerlar tomonidan qazib olinayotgan noruda qurilish materiallar hajmining soliq hisobotlarida to'liq aks ettirilishi ustidan doimiy nazorat o'rnatish.

Bunda, ushbu sohada faoliyat olib borayotgan karerlarning qazib olish hajmlarini doimiy tahlil qilib borish hamda zarur hollarda qazib olish hajmlarini aniqlashda mahalliy budjetning qo'shimcha manbalari hisobidan "marksheydrlik"

xizmatlaridan foydalanish lozimligi alohida belgilab qo'yilsin.

15. Majburiy ijro byurosi tumanbo'limi (S.Sharopov), tumandavlat soliq inspeksiyasi (S.Axmedov) bilan hamkorlikda soliqlar va boshqa majburiy to'lovlar bo'yicha mavjud soliq qarzdorliklarini budjetga undirish yuzasidan tegishli choralar ko'rib borsin hamda choraklar yakuni bilan soliq qarzdorliklarining chorak boshiga nisbatan kamayib borishi bo'yicha barcha kompleks chora-tadbirlar ko'rib borishni ta'minlasin.

16. Davlat aktivlarini boshqarish agentligi tuman hududiy bo'limibo'sh turgan ob'ektlaridan samarali foydalanishni tashkil etish markazining Buxorotuman hududiy bo'limi bilan birgalikda:

bo'sh turgan davlat mulki ob'ektlarini aniqlash bo'yicha xatlov ishlarini samarali tashkil etish;

xatlov natijalariga ko'ra viloyatda mavjud bo'sh turgan davlat mulki ob'ektlari ro'yxatini shakllantirish;

shakllantirilgan ro'yxatga asosan bo'sh turgan davlat mulki ob'ektlarini ijaraga berish yoki sotish bo'yicha tegishli takliflar tayyorlash;

bo'sh turgan davlat mulki ob'ektlarini ijaraga berish yoki sotish bo'yicha ijtimoiy tarmoqlar va ommaviy axborot vositalarida roliklar va video-materiallar tayyorlash;

xususiylashtirilishi mo'ljallangan bo'sh turgan davlat mulki ob'ektlarini «ye-ijro auksion» maydonchasi orqali sotish ishlarini tashkillashtirsin.

17. Davlat aktivlarini boshqarish agentligi tuman hududiy bo'limi, tuman davlat soliq inspeksiyasi (S.Axmedov), tuman hokimligi moliya bo'limi (Sh.Karimov) davlat korxonalari hamda ustav kapitalida 50 foiz va undan ortiq davlat ulushi mavjud bo'lgan yuridik shaxslar tomonidan 2023 yilning 1 iyuliga qadar 2022 yil yakunlari bo'yicha o'z sof foydasining 50 foizidan kam bo'lmagan miqdoridagi ajratmalar va davlat ulushi bo'yicha dividendlarni 2023 yilning 1 sentabridan kechiktirmay tegishli darajadagi budjetlarga o'tkazilishini ta'minlasin.

18. Monopoliyaga qarshi ko'rashish qo'mitasi viloyat hududiy boshqarmasi (N.Jabborov) tuman hokimligi bilan birgalikda tashqi reklama ob'ektlarini to'liq xatlovdan o'tkazgan holda, ushbu tashqi reklama ob'ektlari bo'yicha shartnomalar tuzish choralari ko'rsin hamda ushbu shartnomalar bo'yicha yig'imlarni budjetga to'lanishi ustidan doimiy nazorat o'rnatsin.

19. Tuman irrigatsiya tizimlari havza bo'limi (R.Sariev) va tuman davlat soliq inspeksiyasi (S.Axmedov) tuman hokimligi bilan birgalikda tumanda sug'orishga sarflanayotgan suv hajmlari bo'yicha aniq hisob-kitoblar yuritgan holda mazkur iste'mol hajmlari bo'yicha suv resurslaridan foydalanganlik uchun soliqlarni to'liq hisoblanishini hamda moliya yili yakuniga qadar mahalliy budjetlarga to'liq undirib olish choralari ko'rsin.

Bunda, qishoq xo'jaligi korxonalari tomonidan iste'mol qilinayotgan suv resurslari hajmlari va ushbu hajmlar bo'yicha hisoblanayotgan suv soliqlari bo'yicha doimiy tahlillar o'tkazishga alohida e'tibor qaratilsin.

20. Tuman ichki ishlar bo'limi (E.Atoev), tuman yo'l harakati xavfsizligi bo'limi, majburiy ijro byurosi tumanbo'limi (S.Sharopov), Davlat xizmatlari agentligi tuman bo'limi (Yo.Murodov) hisoblangan boj, jarima va yig'imlarni o'z vaqtida o'rnatilgan tartibda budjetga undirish choralari ko'rib borsin.

21. Davlat moliyaviy nazorati viloyat boshqarmasi xalq ta'limi, maktabgacha ta'lim va sog'liqni saqlash bo'limlarining ichki audit xizmatlari bilan birgalikda:

budjet intizomiga qat'iy rioya etilishi ustidan doimiy monitoring ishlari kuchaytirish;

o'tkazilgan nazorat tadbirlari yakuni bo'yicha kamomad va noqonuniy o'zlashtirishga yo'l qo'ygan soha rahbarlarining hisoboti xar chorakda eshitib borishni ta'minlasin.

22. Xalq deputatlari tuman Kengashining mahalliy budjet, iqtisodiy islohotlarni amalga oshirish, investitsiyalar va tadbirkorlikni rivojlantirish masalalari bo'yicha doimiy komissiyasiga:

mahalliy budjetning qo'shimcha manbalaridan foydalanish to'g'risidagi hokimlik tomonidan taqdim etiladigan takliflarini belgilangan muddatlarda jamoatchilik muhokamasidan o'tkazish va budjet qonunchiligiga to'liq rioya etilgan holda Kengash qaror loyihasini ishlab chiqish;

Kengash qarori asosida mahalliy budjetning qo'shimcha manbalari hisobidan ajratilgan mablag'larni samarali va maqsadli foydalanishi ustidan nazorat o'rnatish, tavsiyalar berish va monitoring qilish;

mahalliy budjet xarajatlarining qonunchilikda belgilangan qismining jamoatchilik fikri asosida shakllantirilgan tadbirlarni moliyalashtirishga yo'naltirilishida ishtirok etish va ushbu mablag'larning maqsadli sarflanishi ustidan nazoratni amalga oshirish vazifasi topshirilsin.

23. Tuman hokimligiga:

tuman budjeti jami xarajatlarining 5 foizi hamda shakllangan qo'shimcha mablag'larining kamida 30 foizini jamoatchilik fikri asosida shakllantiriladigan tadbirlarni moliyalashtirish uchun "Fuqarolar tashabbusi jamg'armasi"ga yo'naltirishni;

bunda, xalq deputatlari tuman Kengashi, yoshlar ishlar agentligi, tuman hokimligi huzuridagi jamoatchilik Kengashi hamda yangi joriy etiladigan hokim yordamchilari budjet jarayonida fuqarolarning faol ishtirokini ta'minlash maqsadida aholiga keng targ'ibot-tashviqot ishlarini olib borishni tavsiya etish;

mahalliy budjetning qo'shimcha manbalari hisobidan xarid qilingan tovarlar va xizmatlar, qurilish, rekonstruksiya qilish va ta'mirlash ishlari olib borilayotgan ob'ektlar ro'yxati, shuningdek qurilish-ta'mirlash ishlarining moliyalashtirilishi to'g'risidagi ma'lumotlar har chorak yakunlariga ko'ra, keyingi chorak birinchi oyining 10 sanasiga qadar majburiy tartibda tegishli hokimlik rasmiy veb-saytlariga joylashtirib borish topshirilsin.

24. Tuman hokimining moliya – iqtisodiyot va kambag'allikni qisqartirish masalalari bo'yicha birinchi o'rinbosari, iqtisodiy taraqqiyot va kambag'allikni qisqartirish bosh boshqarmasi tuman hokimligi va tegishli bo'limlari bilan birgalikda:

mahalliy budjet daromad va xarajatlarining prognoz ko'rsatkichlari bajarilishi hamda soliq bazasini kengaytirish yuzasidan ko'rilgan chora-tadbirlar;

ajratilgan budjet mablag'laridan maqsadli va samarali foydalanishi yuzasidan erishilgan natijalar bo'yicha xalq deputatlari tuman Kengashiga chorakda kamida bir marotaba hisobot kiritib borsin.

25. Mazkur qaror "Gala Osiyo ovozi" gazetasida rasmiy e'lon qilinsin hamda

tuman hokimligining rasmiy veb-saytiga joylashtirilsin.

26. Ushbu qaror rasmiy e'lon qilingan kundan boshlab kuchga kiradi.

27. Mazkur qarorning bajarilishini nazorat qilish xalq deputat lari tuman Kengashining mahalliy budget, iqtisodiy islohotlarni amalga oshirish, investitsiyalar va tadbirkorlikni rivojlantirish masalalari bo'yicha domiy komissiyasi zimmasiga yuklansin.

**Xalq deputatlari Buxoro tumani  
Kengashi raisi**



**X.Q.JURAYEV**

Xalq deputatlari Buxoro tuman  
Kengashining  
2022 yil 30 dekabrda  
VI-65-164-2-32-K/22-son qaroriga  
1-ilova

**Buxoro tumanining 2023 yilga rivojlantirishning makroiqtisodiy ko'rsatkichlari  
prognoz ko'rsatkichlari hamda 2024-2025 yilga mo'ljallari**

№	Ko'rsatkichlar	2023 yil uchun prognoz	Mo'ljal	
			2024 yil	2025 yil
1.	Yalpi hududiy mahsulot, mlrd.so'm	0,0	0,0	0,0
2.	Yalpi hududiy mahsulotning o'sish sur'ati, foizda	0,0	0,0	0,0
3.	Ist'emol narxlari indeksi, dekabrda avvalgi yil dekabr oyiga nisbatan, foizda	0,0	0,0	0,0
4.	Sanoat mahsulotlarining o'sish sur'ati, foizda	111,0	112,4	114,8
5.	Qishloq, o'rmon va baliq xo'jaliklarida ishlab chiqarishning o'sish sur'ati, foizda	103,6	103,9	104,1
6.	Chakana tovar aylanmasining o'sish sur'ati, foizda	109,4	109,7	109,9



Xalq deputatlari Buxoro tuman  
Kengashining  
2022 yil 30 dekabrda  
VI-65-164-2-32-K/22-son qaroriga  
2-ilova

**Buxoro tuman mahalliy budjeti daromadlarining  
2023 yildagi asosiy prognoz ko'rsatkichlari**

mln.so'mda

T/R	Daromad turlari	Jami
1	Yuridik shaxslardan olinadigan foyda solig'i	0,0
2	Aylanmadan olinadigan soliq	10 793
3	Jismoniy shaxslardan olinadigan daromad solig'i	21 048
4	Qo'shilgan qiymat solig'i	0,0
5	Aksiz solig'i, jami	0,0
	<i>shu jumladan:</i>	0,0
	<i>- benzin, dizel yoqilg'isi va gaz realizatsiyasidan soliq</i>	0,0
6	Yuridik shaxslarning mol-mulkiga solinadigan soliq	1 414
7	Jismoniy shaxslarning mol-mulkiga solinadigan soliq	7 425
8	Jismoniy shaxslardan olinadigan daromad solig'i (ITD)	1 268
9	Yuridik shaxslar yer solig'i	6 857
10	Jismoniy shaxslardan olinadigan yer solig'i	9 331
11	Yer qa'ridan foydalanganlik uchun soliq (noruda materiallari)	858
12	Suv resurslaridan foydalanganlik uchun soliq	3 178
13	Davlat boji	0,0
14	Jarimalar	0,0
15	Ijara to'lovi	247,0
16	Davlat tashkilotlarining sof foydasidan daromad	0,0
17	Yig'imlar	0,0
18	Xususiylashtirish	0,0
19	Boshqalar	0,0
<b>JAMI</b>		<b>62 418,3</b>
19	O'tkazib beriladigan daromad	28 135,7

20	Tartibga soluvchi budjetlararo transfertlar	80 132,9
<b>HAMMASI</b>		<b>170 686,9</b>

Xalq deputatlari Buxoro tuman  
Kengashining  
2022 yil 30 dekabrda  
VI-65-164-2-32-K/22-son qaroriga  
3-ilova

**2023 yil uchun Buxoro tumani budjetidan hududiy budjet mablag'larini taqsimlovchilarga  
ajratiladigan mablag'larning cheklangan miqdorlari**

mln.so'mda		
№	Ko'rsatkichlar	Miqdori
	<b>Xarajatlar miqdori, Jami</b>	<b>170 686,9</b>
	<i>shu jumladan:</i>	
	joriy xarajatlar	90 553,9
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	0,0
	Advokatlik xizmatiga haq to'lash uchun ajratilgan mablag'lar	0,0
	Tuman va shaxar mahalliy budjetlariga transfertlar	80 132,9
<b>1.</b>	<b>Tuman maktabgacha ta'lim boshqarmasi</b>	<b>13 539,2</b>
	<i>shu jumladan:</i>	
	joriy xarajatlar	13 539,2
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
<b>2.</b>	<b>Tuman xalq ta'limi boshqarmasi</b>	<b>9 698,4</b>
	<i>shu jumladan:</i>	
	joriy xarajatlar	9 698,4
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
<b>4.</b>	<b>Tuman sog'liqni saqlash boshqarmasi</b>	<b>67 219,1</b>
	<i>shu jumladan:</i>	
	joriy xarajatlar	67 219,1
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
<b>5.</b>	<b>Tuman madaniyat boshqarmasi</b>	<b>6 049,9</b>
	<i>shu jumladan:</i>	
	joriy xarajatlar	6 049,9
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
<b>6.</b>	<b>Tuman sportni rivojlantirish boshqarmasi</b>	<b>3 557,6</b>
	<i>shu jumladan:</i>	
	joriy xarajatlar	3 557,6
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
<b>9.</b>	<b>Tuman qishloq xo'jaligi boshqarmasi</b>	<b>1 216,8</b>
	<i>shu jumladan:</i>	
	joriy xarajatlar	1 216,8
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
<b>11.</b>	<b>Tuman irrigatsiya tizimlari havza boshqarmasi</b>	<b>1 433,6</b>

	shu jumladan:	
	joriy xarajatlar	1 433,6
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
<b>14.</b>	<b>Tuman moliya bosh boshqarmasi</b>	<b>81 593,1</b>
	shu jumladan:	
	joriy xarajatlar	1 460,2
	Tuman va shaxar mahalliy budjetlariga transfertlar	80 132,9
<b>21.</b>	<b>Tuman veterinariya va chorvachilikni rivojlantirish boshqarmasi</b>	<b>2 146,4</b>
	shu jumladan:	
	joriy xarajatlar	2 146,4
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
<b>24.</b>	<b>Tuman bandlik va mehnat munosabatlari bosh boshqarmasi</b>	<b>697,1</b>
	shu jumladan:	
	joriy xarajatlar	697,1
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
<b>29.</b>	<b>Tuman hokimligi</b>	<b>53 116,7</b>
	shu jumladan:	
	joriy xarajatlar	53 116,7
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
<b>31.</b>	<b>Tuman maxalla va oilalarni qo'llab-quvvatlash boshqarmasi</b>	<b>3 655,1</b>
	shu jumladan:	
	joriy xarajatlar	3 655,1
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
<b>33.</b>	<b>Yoshlar ishlari agentligi Buxoro tuman boshkarmasi</b>	<b>3 649,9</b>
	shu jumladan:	
	joriy xarajatlar	3 649,9
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
<b>34.</b>	<b>Xalq qabulxonasi (qabullar uyi)</b>	<b>562,8</b>
	shu jumladan:	
	joriy xarajatlar	562,8
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
<b>35.</b>	<b>Xalq deputatlari tuman Kengash kotibiyati</b>	<b>235,3</b>
	shu jumladan:	
	joriy xarajatlar	235,3
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
<b>39.</b>	<b>Buxoro tumani xotin-qizlar boshqarmasi</b>	<b>2 448,9</b>
	shu jumladan:	
	joriy xarajatlar	2 448,9
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	



Xalq deputatlari Buxoro tuman Kengashining  
2022 yil 30 dekabrda  
VI-65-164-2-32-K/22-son qaroriga  
4-ilova

Umumdavlat soliqlaridan tuman mahalliy budjetiga 2023 yildagi ajratmalari me'yorlari

foiz hisobida								
Yuridik shaxslardan olinadigan foyda solig'i	Aylanmadan olinadigan soliq	Jismoniy shaxslardan olinadigan daromad solig'i**	Yakka tartibdagi tadbirkorlar uchun jismoniy shaxslardan olinadigan daromad solig'i	Yakuniy iste'molchilarga benzin, dizel yoqilg'isi va gaz realizatsiya qilishdagi aksiz solig'i	Yuridik shaxslarning mol-mulkiga solinadigan soliq*	Jismoniy shaxslarning mol-mulkiga solinadigan soliq	Yuridik shaxslar yer solig'i*	Jismoniy shaxslardan olinadigan yer solig'i
0	100	25	100	0	50	100	50	100

  

Yer qa'ridan foydalanganlik uchun soliq (noruda materiallari)	Suv resurslaridan foydalanganlik uchun soliq	Davlat boj'lari	Jarimalar	Vig'imlar	Davlat tashkilotlari foyda solig'i***	Davlat mulki bo'yicha ijara to'lovlari	Xususiy tash-tirish	Boshqalar****
100	100	0	0	0	0	100	0	0

\* yirik soliq to'lovchilardan tushgan tushumlar to'liq viloyat budjetiga yo'naltiriladi.

\*\* Jismoniy shaxslardan olinadigan daromad solig'i bo'yicha 3111104, 3111106, 3111300, 3111600, 3111800 daromad kodlariga tushadigan mablag'lar to'liq tuman va shaharlar mahalliy budjetlariga yo'naltiriladi.

\*\*\* Davlat unitar korxonalarining sof foydasidan davlat budjetiga ajratmalar bo'yicha 3412110, 3412112 daromad kodlariga tushadigan mablag'lar to'liq viloyat budjeti daromadlariga yo'naltiriladi.

\*\*\*\* Hukumat qarorlari bilan belgilangan normativlarga asosan taqsimlanadi.

Xalq deputatlari Buxoro tuman  
Kengashining  
2022 yil 30 dekabrda  
VI-65-164-2-32-K/22-son qaroriga  
5-ilova

**Tuman mahalliy budjetining  
2023 yil daromadlari va xarajatlariing chegaraviy hajmi**

mln.so'mda

Budjetlar nomi	Daromad *	Xarajat
<b>JAMI</b>	<b>90 553,9</b>	<b>170 686,9</b>
Buxoro tumani	90 553,9	170 686,9

*\* mobil aloqa xizmatlari uchun aksiz solig'i va alkogol maxsulotlari, shu jumladan pivo uchun aksiz solig'idan tushumlar bo'yicha o'tkazib beriladigan daromadlar bilan birgalikda.*

Xalq deputatlari Buxoro tuman  
Kengashining  
2022 yil 30 dekabrda  
VI-65-164-2-32-K/22-son qaroriga  
6-ilova

**Tuman mahalliy budjetining 2023 yilgi yuqori budjetdan ajratiladigan  
tartibga soluvchi budjetlararo transfertlar miqdorlari**

mln.so'mda

Shahar va tumanlar	Tartibga soluvchi transfert miqdori
JAMI	80 132,9
<i>shundan</i>	
Buxoro tumani	80 132,9



Xalq deputatlari Buxoro tuman  
Kengashining  
2022 yil 30 dekabrda  
VI-65-164-2-32-K/22-son qaroriga  
7-ilova

**Tuman mahalliy budjetlarida 2023 yilda yo‘l qo‘yiladigan  
eng kam mablag‘lar miqdori**

mln.so‘mda

<b>T/r</b>	<b>Hudud nomi</b>	<b>Miqdor</b>
	<b>JAMI</b>	<b>1 052,0</b>
	<i>shundan</i>	
1	Buxoro tumani	1 052,0